



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Broj: 06-11-11600/20  
Sarajevo, 18.05.2020. godine

Na osnovu čl. 14. stav (1), 18. stav (1), 32. stav (1), 87. stav (2), 88. i 89. Zakona o javnim nabavkama BiH („Službeni glasnik BiH“, broj 39/14), (u daljnjem tekstu: Zakon), Pravilnika o uslovima i načinu korištenja E-Aukcije („Službene glasnik BiH“, broj 66/16), Odluke o utvrđivanju Plana javnih nabavki za 2020. godinu broj: 06-11-8343/20 od 26.03.2020. godine, Plana javnih nabavki za 2020. godinu broj: 06-11-8343-1/20 od 30.03.2020. godine, čl. 11. stav (2), 15. stav (1) tačka (7), 25. i 72. stav (1) Pravilnika o javnim nabavkama Ministarstva za boračka pitanja Kantona Sarajevo („Službene novine Kantona Sarajevo“, broj 45/19), Ministar za boračka pitanja Kantona Sarajevo je donio

### **ODLUKU**

**o pokretanju konkurentskog zahtjeva za javnu nabavku:  
Pružanje usluga objavljivanja oglasa i obavještenja u dnevnim novinama**

#### **Član 1.**

Odobrava se pokretanje konkurentskog zahtjeva za javnu nabavku usluga objavljivanja oglasa i obavještenja u dnevnim novinama.

Procijenjena vrijednost javne nabavke je 17.094,00 KM.

Za provedbu nabavke po konkurentskom zahtjevu osigurana su sredstva u Budžetu Ministarstva za boračka pitanja Kantona Sarajevo na odjeljku 1301 na poziciji 613900.

Javna nabavka će se provesti putem konkurentskog zahtjeva za dostavu ponuda uz zaključivanje Okvirnog sporazuma u skladu sa članom 32. stav (1) Zakona o javnim nabavkama BiH.

Postupak javne nabavke provest će se u skladu sa Zakonom o javnim nabavkama, podzakonskim i internim aktima.

JRJN: 79341000-6 – usluge oglašavanja

#### **Član 2.**

Tendersku dokumentaciju sačinjit će Komisija za javne nabavke imenovana Odlukom ministra za boračka pitanja Kantona Sarajevo broj: 06-14-9144/20 od 31.03.2020. godine

#### **Član 3.**

Kriterij za dodjelu ugovora je najniža cijena.

#### **Član 4.**

Otvaranje i ocjenu ponuda provest će Komisija za javne nabavke imenovana Odlukom ministra za boračka pitanja Kantona Sarajevo broj: 06-11-9144/20 od 31.03.2020. godine, u sastavu od 5 članova i sekretara:

1. Velid Imamović, Predsjedavajući Komisije
2. Samila Mujaković - Zenunović, član Komisije
3. Rasim Duraković, član Komisije

4. Nermina Smajlović, član Komisije
5. Elzira Arifhodžić, član Komisije
6. Dražen Bačić, sekretar Komisije

#### Član 5.

Za realizaciju ove javne nabavke zadužuje se sektor za boračko invalidsku zaštitu u saradnji sa sektorom za ekonomske poslove i projekte Ministarstva za boračka pitanja Kantona Sarajevo

#### Član 6.

Ova Odluka stupa na snagu danom donošenja.

### O b r a z l o ž e n j e

Predmet ovog konkurentskog zahtjeva je prikupljanje ponuda za pružanje usluga objavljivanja oglasa i obavještenja u dnevnim novinama uz primjenu E-Aukcije i zaključivanje Okvirnog sporazuma sa odabranim ponuđačem.

Ministarstvo za boračka pitanja Kantona Sarajevo u realizaciji svojih projekata predviđenih godišnjim Planom i programom rada ima potrebu za objavljivanjem većeg broja obavještenja i oglasa u dnevnim novinama: upoznavanje boračke populacije sa postupkom ostvarivanja određenih prava po Zakonu o dopunskim pravima boraca-branitelja Bosne i Hercegovine, upoznavanje sa rezultatima javno objavljenih poziva i konkursa i slično; objava čestitki i sjećanja povodom značajnih datuma iz perioda odbrambeno-oslobodilačkog rata i sjećanja na zaslužne pripadnike boračkih populacija i druga obavještenja za kojima se ukaže potreba.

Kako bi svi korisnici javno i transparentno bili obavješteni o određenim aktivnostima Ministarstva, potrebno je izvršiti javno oglašavanje putem web stranice ali i putem printanih medija.

Nabavka je planirana u Planu javnih nabavki za 2020. godinu broj: 06-14-8343-1/20 od 30.03.2020. godine pod rednim brojem 9.

Sa odabranim ponuđačem će se zaključiti Okvirni sporazum.

Procijenjena vrijednost nabavke utvrđena je na osnovu cijene iz prethodnog perioda i odobrenih sredstava u budžetu Ministarstva za 2020. godinu.

S tim u vezi pokreće se postupak konkurentskog zahtjeva na način propisan članom 88. Zakona o javnim nabavkama BiH („Službeni glasnik BiH“, broj 39/14) za odabir ponuđača koji će u ime Ministarstva vršiti ovakav vid usluga.

Pri donošenju ove Odluke Ministar se posebno rukovodio činjenicom da je predmetna nabavka neophodna, da su osigurana sredstva u Budžetu za 2020. godinu, te da je izabran odgovarajući postupak javne nabavke u skladu sa Zakonom.

Na osnovu naprijed navedenog odlučeno je kao u članu 1. ove Odluke.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251  
Sarajevo, Reisa Džemaludina Čauševića 1